

26 JUN 2002

WARTAWAN MELAYU YAKIN KEMAMPUAN ABDULLAH

KUALA LUMPUR, 26 Jun (Bernama) -- Persatuan Wartawan Melayu Malaysia melahirkan keyakinan penuh terhadap kemampuan Datuk Seri Abdullah Ahmad Badawi untuk menggantikan Datuk Seri Dr Mahathir Mohamad selaku Perdana Menteri dan Presiden Umno.

Presidennya Yazid Othman berkata persatuan itu yakin Abdullah cukup berpengalaman untuk membolehkan beliau memberikan khidmat yang berkesan kepada rakyat dan negara.

"Saya bagi pihak ahli PWMM dan kaum wartawan di negara ini, mempunyai keyakinan sepenuhnya terhadap Datuk Seri Abdullah Haji Ahmad Badawi sebagai pengganti Perdana Menteri dan pemimpin tertinggi Umno," katanya dalam kenyataan di sini hari ini.

Yazid juga berkata persatuan itu menyanjung tinggi sikap terbuka Dr Mahathir yang menerima rayuan rakyat untuk terus memimpin negara sehingga Oktober tahun depan.

Katanya tempoh itu akan membolehkan peralihan kuasa kerajaan dan parti berjalan lancar.

-- BERNAMA
RZS RZS MAI